

東方青色衰厄從今消滅青瘟鬼炁應時斷絕

南方赤色衰厄從今消滅赤瘟鬼炁應時斷絕

西方白色衰厄從今消滅白瘟鬼炁應時斷絕

北方黑色衰厄從今消滅黑瘟鬼炁應時斷絕

中央黃色衰厄從今消滅黃瘟鬼炁應時斷絕

今日值建所請依願福慶巍巍更無所恨

今日值除請福之後災禍消除鬼賊殄滅福慶有餘

今日值滿與帝為伴任意從容萬事欣喜

今日值平福有餘慶神來降駕所願皆成

今日值定天地同慶神靈飽滿合家無病

今日值執百福臻集富貴忻歡無有厭忌

今日值破却除罪過神來降福消災却禍靈祇降福福祿更多

今日值危永保無為祈恩已後所願皆遂

今日值成男女長生錢財聚集五穀豐盈  
今日值收戶戶無憂黃金入宅代代不休  
今日值開仙官並來真炁覆蔭不見禍災  
今日值閉百鬼消滅住宅清寧鬼神伏獸

次上酒 行香

重啓五帝七星君等臣所請仙官及同侍從  
當預坐者普願歡饗降福重於太山消災迅  
如電散福遂神來天神降重應感斯須拜謝  
既周行觴已畢詞不再陳言無所重龍車整  
轡神馬急備來如雲奔去如風雨迎神千里  
送神不起自東自西各還官府後有祈請別  
賜垂臨臣及弟子誠惶誠恐稽首再禮奏辭

次送神讚

次十二願

次學仙讚散如常儀

太上三五傍救醮五帝斷瘟儀

太上消災祈福醮儀

則五

先奏告關隸禁壇祝如常式

次啓堂頌

次各禮師存念如法

次宣五方衛靈神呪

東方

九炁青天明星大神煥照東鄉洞映九門  
轉燭陽光掃穢除氛開明童子備守我軒  
收魔束妖上對帝君奉承正道赤書玉文  
九天符命攝龍驛傳普天安鎮我得飛仙

南方

南方丹天三炁流光熒星轉燭洞照太陽  
上有赤精開明靈童總禦火兵備守三宮  
斬邪束妖剪截魔魔兇北帝所承風火八衝  
流鈴交煥敢有不從正道流行我享上功  
保天長存億劫無終

西方

七炁之天太白流精光耀金門洞照太冥  
中有素皇號曰帝靈保神安鎮衛我身形  
斷截邪源正道開明官殿整肅三景齊昇

道合自然飛升紫庭靈寶符命普惠萬生  
功加一切天地咸寧

北方

北方玄天五炁徘徊辰星煥爛光耀太微  
黑靈尊神飛仙羽衣備衛五門檢精捕非  
敢有干試豁落斬摧玉符所告神振八威  
邪門閉塞正道明開映照我身三光同輝  
策空駕浮舉形仙飛

中央

黃中理炁總統玄真鎮星吐輝流煥九天  
開光童子一十二人元炁陽精炎上朱烟  
洞照天下及臣等身百邪摧落殺鬼萬千  
中山神呪普天使然五靈安鎮身飛上仙

次都講唱鳴法鼓二十四通

次發爐

無上真玄五靈老君當召功曹使者左右龍  
虎君捧香使者三炁正神急上開啓三天真  
元道君臣今正爾燒香修齋設醮謹奉為願  
主弟子臣某為齋意其餘誠懇具載青詞額  
得

太上十方正真生炁降流入臣等身中令臣  
所啓速達逕御

至真無極大道三清上聖昊天玉皇上帝

次衆官各長跪出官

謹出臣身中五體真官功曹吏出上三天執  
法開化陰陽功曹度道消災散禍解厄君吏  
各十二人出臣所受法錄治中建節監功大  
將軍前部効功後部効殺驛廷令驛廷丞四  
部監功謁者上仙上靈直使功曹左右官使  
者陰陽神決吏官各二人出出者嚴裝顯服  
冠帶垂纓整其威儀功曹升朱陽之帽冠通  
天之冠水皂紉單衣腰帶龍頭之劍捧持謁  
簿使者升玄陰之帽冠九德之冠衣絳章單  
衣腰帶虎符齊執玉版直事功曹住立四方  
正一功曹住立中央治病功曹營衛臣身左  
官使者建節在前右官使者持幢在後陽神  
決吏立左陰神決吏立右上部功曹住立上  
方中部功曹住立身中促炁功曹催促十方  
上部使者遠望上天中部使者遠瞻八方都  
官使者市繞臣身即吏虎賁察姦鉤騎都官

侯射天丁力士治正執正吏收神食神吏收  
鬼食鬼吏收炁食炁吏收毒食毒吏收精食  
精吏收邪食邪吏誅符破廟吏剛風騎置吏  
驛馬上章吏飛龍騎吏等並皆屯住臣左右  
前後受臣詞語開啓此間土地里杜正神監  
察者若甲子諸官君將吏謹同誠上啓

太上無極大道太上老君太上丈人九老仙  
都君九炁丈人百千萬重道炁千二百官君  
太清玉陛下恭以天人交感在祈祐以所符  
降降中潛非至誠之不格唯精衷之內控仰  
元鑒之有門矧藥笈之真詮願靈科而示教  
璇宮大衆宵景神輝有躔次以下臨有休祥  
之外繫今願主某為某事肅嚴壇供仰駐神  
遊庶伸蘋藻之誠以瑱監觀之應詞言通感  
不負効心伏乞功曹使者將吏靈官速上奏  
陳應時感降所祈獲遂所願協從臣與醮主  
誠惶誠恐稽首再拜以聞

次各稱名位

具法位臣某等謹同誠上啓

虛無自然元始天尊無極大道太上道君太上老君混元上德皇帝太上開天執符御曆含真體道昊天玉皇上帝紫微天皇大帝紫微北極大帝南極注生大帝斗中太尊玉皇星君十神太一真君十一曜星君北斗七行星君左右輔弼星君南斗六司星君天地水三官二十八宿星君九天儲福定命真君九天應元保運真君九天司命司錄真君九天掌籍掌算真君九天監生延生大神玄中大法師正一真人三天輔玄大法師天曹太皇萬福真君天曹定名玉曆真君天曹延生保命真君天曹扶衰度厄真君天曹掌籍掌算真君天曹財庫祿籍真君天曹司命司錄真君天曹司非司危真君天曹門下引進真官天曹門下上章直日典者洞淵水府福德靈曹見生星斗真君本命元辰真官城隍里社土地真官三界官屬一切威靈臣聞玉天嚴遠難陞浩劫之家金洞渺清徒仰素靈之館粵帝尊而在上握化紀以居中啓十方之無礙心應物而動號三界之大慈父視人如殤

俯仰鬱羅之臺卷舒投芥之劫迴瞻萬兆悲晉啓於蟬蛻俯時九塵嘆漢宮於蟻蟻永惟下俗本絕真階蓋憑開度之科許罄精微之懇今願主弟子某爲其事嚴持信幣密款仙庭冀天貺以臨觀庶人心而專達伏望

三清併軌離曲密之華房十極流輶從飛虛之法駕百億天帝後轡丹鸞十二官君前迎翠節擲火萬里下呼陽而召陰旋香三輪上出日而入月極東浮於熾水盡西景於虞汭南造朱陵之宮中盤黃炁之府朔陰之館北盡於夜城丘塞之泉下殫於神谷至於魯稱教父由太極之從行西號釋尊自延真而密侍元始符命嚆敢不祗輒布菲詞仰披雲望叩碧天而祀事稱聖號以降神伏願曲鑒凡情允垂聽駕臣與醮主等謹稽首再拜上請

次請聖位 上香 上茶 獻酒  
次奏初獻法事  
次重稱法名

具位臣某等謹同誠上啓  
三清上聖十極高真醮位靈仙三界主宰臣

聞一真布景本無高下之基萬兆肖形盡毓清和之炁既生死而遠遠遂好惡以森繁穢身縱溺於沉迷大道尚垂於營救或罪根之彌甚始陰責以潛加苟悟百非即消萬福今醮主弟子某識神冥滯管魄振驚由浩劫以淪胥併元靈而奔驟不趨覺路樂登陟於迷途不憚真庭甘輶馳於世網念迴還於先日歷勞苦於至艱爰至今身命亦危於晝電再思積行功未半於秋毫或反道而欺天或黷尊而犯上或漏慢經法或凌侮父師或治家失孝悌之歡或臨事濫公私之節或殫穢於真館或犯突於上靈或冒大禁於三光或墮嚴經於七世或傷殘物命或淫祀鬼神或沉湎酒醪或昏迷聲色或積財於不義或運智於多岐或狠復自賢或饕餮無狀或奉道虧

立功之行或居家迷開訓之儀或票人倫或沉女弱共淪五欲已劇千生迫惟高聖之宣慈大庇舍生而開度醮主某詣道自首祈天博容伏乞  
璇極上真玉虛大帝垂恩枯骨錫命行尸解

片體之陰愆除億曾之冥考闡罪先期於冰釋逆釐次於雲縻俯伏對敷屏營待報欲陳詞意仰進升闔臣雖已考詳尚虞踳踳謹冒天禁獻悖宣聞

次宣青詞

具如詞旨備極精虔冀伸欽紘之心用謝生成之賜醮主弟子伏願齋功紀籍道果資身增壽祿於將來保年齡於向去仰荷真靈之德惟祈福祐之恩臣與醮主等不任激切之至謹稽首再拜

次再上香獻酒

次奏亞獻法事

臣謹重誠上啓

三清上帝十極威靈臣聞玉帝鑒觀金真洞察感羣生而布款采庶品以流恩上士希仙即萬仙而榮就善人微福乃百福以妙嚴理貴精微事符散客令醮主弟子某伏爲某事騰詞清夜馳意紫閣風啓蘭科仰膺靈貺伏願醮主弟子某落除世網進補仙階許映全家俱入華陽之洞劉綱盡室並昇丹綠之軒

陰陽之數已逃生死之根永謝或干祿佳冀登踐於崇高或計資儲俾豐盈於貨殖專車福履中外欣昌幽冥息人鬼之非出處有亨嘉之會慶均嗣續庇及親疎水火兵賊之災虞無侵里閭日月星辰之否厄不犯形軀長邁百昌永逃九厄臣與醮主等不任祈祝之至所獻錢馬都狀之儀恭對醮筵謹當敷奏

次奏錢馬三上香獻酒

次奏終獻法事

臣謹重誠上啓

三清上帝十極高真三界官屬醮席真靈臣聞濟則不告聖人垂簡易之文天且弗違大道順披陳之素醮主某密形至懇仰叩靈息敢不盡畏丹心勤防司殺奉明科而視履約仙禁以踐言一日告盟百身無數伏況法事粗悉盤寶自於鴻儀夜如何其落銀河於清漢鳳冠燈燭將暗於九光鵲尾鑪香欲殘於百和洞章八閨玉酒三終燎朱火於天錢即歸空際促瓊鍾於仙籟將返霄間絳節遙遙紫旂容與還玉京者無極之尊帝復金闕者

太上之真皇衆靈咸從於丹轅列聖皆終於紫策傍飛月鳳指洞室以分驅俯控雲龍瞰滄溟而下邁神司復位將吏還天委禧福以充庭管靈光而在目至於生生萬品皆均樂育之私寂寂九幽盡被超升之澤臣與醮主等雖瞻法從結想太空泣恨塵埃難留聖躅臣等不勝攀戀禱祝望恩之至謹稽首再拜奉送

次送神頌

次遣官還位

臣醮奉事訖向來所出功曹使者各從衆妙門而入在左還左在右還右直使功曹主領檢押復安金堂玉室湏臾即到一如故事

次復爐

香官使者左右龍虎君侍香諸靈官當令醮奏之所自然生金液丹碧芝英百靈衆真交會在此香火鑪前伏願醮主受福闔家蒙恩十方仙童玉女侍衛香烟傳奏向來所啓之言速達逕御至真無極大道三清上聖昊天玉皇上帝

御前